



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

XXXIV. Hans Warnstedt verkauft dem Kloster seine Besitzungen zu Telschow im J. 1407.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

vorfcreuen denfpenninge, rechticheit vnde pleghe, to vmbenumed Jaren, to allen fante mathias daghe wedderkopen vor also vele vnde also dane penninge, alfe hir vorfcreuen ftan. Alle vorfcreuen ftukke vnde artikele vnde en iewelick by fik loue ik vorfcreuen Jafpar gans myt mynen eruen, ftede vnde vaft to holdende, funder iengerleie hinder edder weddersprake. To groter melouen vnde merer bewaringhe vnde betughinge defzer vorfcreuen ftukke vnde artikele hebbe ik, mit willen vnde witscop, myn inghefeghele laten henghen an deffen breff, de ghegheuen vnde fcreuen is na godes bort verteinhundert iar, darna in deme verden jare, jn deme fundaghe in der vafte oculi mei.

Nach dem Original, woran das Siegel fehft.

XXXIII. Claus Biener giebt feine Tochter ins Klofter und fchenkt diefem 4 Freihufen zu Telfchow im J. 1405.

In deme namen ihesu crifti amen. Ik Claves bener, wanaftich thu felmerftorpe, Do wilik allen Erbaren luden, de deffen briff zeen, horen, lefen vnde vornemen, dat ik mit wolbedachtem mude, vnd nach rade miner vrunt, hebbe gode gheoffert mine dochter katherinen in dat Juncvrowen Klofter thu der ftepenitze, dorch falde vnde zalicheit wille miner vnd miner oldern fele. Vnd dorch eyner beteringhe wille des fuluen Clofters vnd ok dorch der vorfcreuen zalicheit wille, fo hebbe ik em ghegeuen vnde gheue mit Crafft deffes brines mine vir vrye huuen, alzo fe ligghen in deme dorpe thu teltzekow, an velde, an worden, an acker buowet vnd vngebuowet, an wifchen vnde an weiden, an holten, vnd mit aller erer thubehoringhe, zo ze liggen bynnen Erer fcheidung, vnd to funderen mit deme drudden dele In deme richte, hoch vnd fiet, beide an hand vnd hals mit deme drudden dele an deme kercklene vnd mit alle den gruneholten, de dat liggen bi der ftepenitze, de dar heiten de holte vt der langen brugge, vnd mit wifchen gheheiten beuers wifche, vnd mit deme Campe achter deme hagen, vnd mit deme Campe In den brukholte, beide benomet vnd vnbenomet wes ik vorfcreuen Claves bener hebbe bynnen der fcheidung. Alle deffes vorfcreuen gudes, laue Ik Claves bener vorfcreuen eyn recht were thu wefende des Clofter Juncvrowen to der ftepenitze vor alle deghene, de vor recht kamen vnd recht nemen vnd gheuen willen. Vnd to erer truwen hand laue Ik dat ok deme Erwerdegen manne her didreke hunderokke, prouefte thu der ftepenitze, vnd finen nakomelingen vnd minen gnedegen heren Jafpar ganfe, heren thu putlef, finen rechten eruen vnd alle den Roren, de wanaftich fint to der meyenborch vnde deme nygenhues, eren rechten eruen. Tho grotteren Louen vnd guder bewaringe, fo hebbe jk Claves bener myn Ingezegel mit guden willen laten hangen vor deffen bryff, vnd wy hans Clifingh, werneke beuernerf, anders gheheiten plate, hebben ok to toge deffer dingk vnfe Ingezegele laten hangen vor deffen bryff, de ghegheuen vnde ghefcreuen js to Putlefs, na der bord godes virteynhundert jar jn deme vefte jare, dar na des Dunrdages na Sunte andreasdaghe des hulghen Apoftel.

Nach dem Original, woran die Siegel fehlen.

XXXIV. Hans Warnftedt verkauft dem Klofter feine Befitzungen zu Telfchow im J. 1407.

Ik hans warnftede, wanaftich tu tryggelitze, Bekenne apenbar In deffen mynen apen bryue, vor allen crytenluden, de ene feen, horen Edder lefen, dat myn vader, ghereke warnftede, deme god gnedich fy vnd Ik, nach vnfer vrunde rade vnde vulbord, Befunderen nach Claves karfteden rade, hebben vorkoft endrechtichken,

rechte vnde redelken, vnde tu eynen Ewygen kope, deme prouefte, her didreke bunterokke, der abbatiffen Erme-
gard predulen, Elyzabeth karfteden, prioriffen, vnde deme meynen conuente tu der ftepeniffe, al vnfe gud tu
Teltzekow also wy Id dar hadden, also dat vrytze karftede mynen vader mede gaff myt myner muder Brutfchatte,
vnde alfe wy memich Jar roweleken befeten hebben, funder rechte anfrage, mit houen, mit worden,
mit koften, mit mollen, myt mollenkempen, mit water, mit Invliten, mit vtvliten vnde mit wifchen, myt
wefen, mit grafe, mit holte, mit bufchen, mit wegen, mit vnwegen, mit Berge, mit dale, mit acker, bu-
wet Edder vngebuet, vnd myt aller thobehoringe, dat fy benumet edder vnbenumet, em brukelh tu
wefende, alze dat licht in dorpe vnde In velden thu Teltzekow bynnen fyner fcheyde, vnd ok tu fun-
deren, myt alme rychte, beyde hoch vnde fyd, vnd an hand vnd an hals, vnd beholden dar deger
nicht anne, vnd ok myt deme kerklene, vor dre hunderd mark guder lubefchen pennige, twintich lu-
befche mark myn, de fe my nach minen willen wol borete vnd vor naged hebben, de Ik hans warnfede
vorfereuen, nach mynes vader rade vnd volbord, nach minen willen gekered hebbe in vnfe mit vnd
vramen, alzo dat wy zee en deel hebben kerften van Rediciforpe mede ghegheuen vor miner Sufter
Beken brutfchat, vnd en deel myner muder margareten vor ere lyff gud, vnde laue mit minen eruen
deffen vorfereuen vnd eren nakomelingen vnde thu trauer hand deme eddeln heren tho puttefte, Jafpar
ganfe, vnd fynen nakomelingen, den roren, dede wanactich find thu der Meyenborch, thu deme Nigen-
hus vnd eren Nakomelingen eyn recht were thu wefende des vorfereuen gudes Jegen alfweme. Ik
vnde myne muder margarete hebben em dit gud al rede vorlaten vor vnfen heren, de hyr vorfereuen
js. Ok fette jk vnd mine muder margareten zee wifs in de were vor den buren tho teltzekow. Thu
groteren louen vnde tu merer betughniffe hebbe Ik, hans warnfede vnd Clawes karftede, vnfe Ingefeg-
eln laten henghen vor deffen apen Bryff, vnd tu merer betuchniffe, fo hebbe wy, her hinrik borchagen,
kerckhere tu putteft, Ludeke mildehoued, hinrik van der beke, werneke beuernerft, anders gheheyten
plate, vnd Clawes bener, myt wifchop alle deffer dingk, ok vnfe Ingefegeln laten henghen vor deffen
apen bryff, der gheuen vnde fereuen Is na der bord godes duftend Jar, vyrhunderd Jar, In deme feuen-
den Jare, dor na In alle godes hilgen dage.

Nach dem Original, woran die Siegel fehlen.

**XXXV. Henning von Karwe verkauft dem Kloster seine Befitzungen in beiden Dörfern Porep
im J. 1413.**

In nomine domini amen. Wytlik zy alle den Ienen, de duffen Bryff feen, horen edder lefen,
dat Ik henning van der Carwe, wanactych tu der mernytze, myt mynen rechten eruen Bekennen apen-
bar an deffeme Bryue, dat jk, na rade myner leuen vrunt, hebbe vorfettet den erlyken gheytliken
Juncfrowen Ermegaerd predulen, Beken wuluesberghes, Berteken vnde alheyde fufteren, gheheyten de
fceroder, vnde Ermegaerd vnde kerftynen fufteren, gheheyten de karwen, alzodane ghulde, alzo jk hebbe
In den twen Dorperen tu pureybe, fcholen ze vppboren alle Jaer tu funte walburgisdaghe de fnyde-
ku vnde alle Jaer tu funte mycheles daghe In deme fuluen dorpe vyff lubefche mark. Ok fcholen
de vorbenomeden perfonen In deme dorpe tu Drenekow alle Jar, tu funte walburgis daghe, de fny-
deku vpp boren, vnde tu allen funte mycheles daghe veer lubefche mark; dar voer my de vorbeno-
mede perfonen hebben an eynen Sumen vpp eynen brede gheuen vnd wol nach mynen willen bureden
twyntych mark vnde hundert ghuder lubefcher pennynge, zo tu lubeke ghenghen vnde gheuen fynt.
Wer ez ok, dat Ik vorbenomede hennyng edder myne rechten eruen dat vorbenomede ghud nycht wedder